

Q V Æ S T I O 901.  
 COMMVNIVM CONTRA  
 COMMVNES.

*Utrum Clericus Assassinus notoriè possit per iudicem laicum puniri.*



**A**SSASINVS dicitur qui se iungit animam à corpore alterius iussu, & qui numis captatus, hominem occidit, non vero qui vulneravit, ita docet Archidiaconus in cap. 1. col. 1. de homicidio, li. 6. Antonius Gabriel, de criminalibus, concl. 1. n. 30. Mascardus, de probationibus, vol. 1. concl. 1; 7. Gutierrez, lib. 3. pp. quæst. 7. num. 60. Iulius Clarus li. 5. receptarum sent. §. Assassini. n. 1. Greg. in l. 3. tit. 27. Par. 3. verb. Assassinus. Anastasius Germonius, de sacrorum templorum immunitatibus, lib. 2. cap. 16. num. 68. Canteria, in questionibus criminalibus, cap. 6. de homicidio, à num. 46. Salzedo, in practica ad Bernardum Diaz, c. 96. nu. 4. vbi mouet nostram quæstionem, & resoluit quod clericus Assassinus sine eo, quod præcedat degradatio potest puniri per iudicem sæcularem, allegans tex. in d. ca. 1. de homicidio, quam opinionem dicit communem, quæ fuit de mente Dominici, & Doctorum in d. ca. 1. quia talis clericus ipso iure videtur degradatus, & sic unicuique est data potestas ipsos capiendi, omni priuilegio clericali expoliatis: idem tenet Barb. in c. at si clerici. n. 129. de iudiciis. Hipolytus in pract. criminali. §. examinanda. Boerius. qu. 60. nu. 18. Ioan. Lupus, in tracta. de libertate ecclesiastica. q. 9. vbi dicit, quod à iure datur quædam degradatio quæ habetur loco realis degradationis, idem tenet Arnald. Albertus in c. quoniam, de hæreticis, li. 6. quam opinionem tenet Iul. Clarus. lib. 5. receptarum sententiarum. q. 36. n. 29. vbi dicit, quod isti Assassini sunt defidati à toto populo Christiano, & sic possunt puniri per iudicem sæcularem, & à quocumque impune offendi, idem tenet in dict. §. Assassinum. nu. 4. vbi dicit pœna mortis esse puniendos, & secundum aliquos debet trahi, ad caudam equi, vt tradit Placa, de delictis, c. 19. nu. 7. sed Carrerius in sua Praxi, tenet. num. 35. quod hodie Assassini per frustra sciuntur, & quod iudices hac pœna vtuntur propter criminis grauitatem, & ad terrorem aliorum, & nostram principalem conclusionem tenet Grammaticus, voto. 8. & 11. Casfaneus in consuet. Burgun. rub. 1. gl. silnagrace. n. 50. Capicius, decis. 155. nu. 26. & in decis. 112. nu. 6. & hanc dicit communem opinionem Steph. Auff. in clem. 1. de off. ord. reg. 1. Fallentia 18. Co-uarr. lib. 2. variar. c. 20. n. 10. Remigius Degoni.

de immunit. ecclesiarum. Fallentia. 15. n. 10. & sequitur Roland. à Valle. conf. 24. n. 7. & alios refert Gutier. sup. n. 23. vbi refert duas communes opiniones contrarias, & pro hac affirmatiua sunt ponderanda verba text. in dict. cap. 1. ibi. excommunicationis, & depositionis, à dignitate honore, ordine, officio, & beneficio incurrat sententiam ipso facto: ergo si ordine est ipso facto, vel ipso iure priuatus, tanquam sæcularis est iudicandus, & sic nimirum, si à iudice sæculari sit puniendus & morte plectendus, vt in dicta l. 3. ibi. Deuen morir por ello, tambien ellos, como los otros, por cuyo mandado lo hazen, quia in hoc tam grauiissimo crimine, vbi pœna ipso iure imponitur, nulla reuerentia clerico malefactori adhibenda est, quia quo plus honoris & venerationis ordini ecclesiastico debetur, eo grauius plectedi sunt illi, qui per flagitia ac turpitudines suas. nomen religionis infamant & qui profana nequitia criminumque suorum dedecore, & atrocitate, sacrum ordinem polluere, & maculare non erubescunt, nec enim ecclesiastici fori priuilegia, in fauorem sceleratorum ac multo minus ad Assassinatorum tuitionem & excusationem adinuenta, quisquam vere dixerit, quia non tanti est vnus vita (secundum D. Ambrosium epist. 32.) quanti est dignitas omnium sacerdotum, & sic ob hanc causam Galba Imperator tutorem, quod pupillum cui substitutus erat, occidisset, cruce affecit, implorandique leges & cinerum Romanum se testificantem quali solatio, & honore aliquo pœnam leuaturus, mutari, multoque præter cæteras altiore, & dealbatam crucem iussit, vt refert Suetonius, in Galba. cap. 9. & sic cur non eodem Assassinatus odio, præscriptionem istam ecclesiastici fori, & clericalis ordinis fauorem, in tanta criminis atrocitate, aut aperte reiiciemus, aut sicta veneratione non minus quàm Galba, ius ciuitatis Romanæ eludemus, quia sicut in oculo etiam si parua sordes incidat, totum lumen occæcat, sic in ecclesiastico corpore, etiam si pauci sordida faciunt prope totum ecclesiastici splendoris lumen, obscurat, olim enim, ecclesiis locisque sanctis, hoc tanquam Asyli iure tributum fuerat, ne inde reos hominesque facinorosos extrahere, quomodocumque liceret, sed in hoc delicto sublatum est ius illud Asylorum, & merito, quam opinionem confirmat Anasta. Germonius.